

## შ. აშიკანაშვილი

### ქართული რელიგიური პანდაკების უძველესი ნიშნები

ქართული წერილობითი წყაროები ერთხმად მოგვითხრობს, რომ ძველათ საქართველოში, ქრისტიანობის დამკვიდრების წინა ეპოქაში, არსებობდა ღვთაებათა გამოსახულება პანდაკების სახით.

უძველეს ქართულ მატთანეს „მოქცევა ქართლისაჲ“-ს ცნობით, როდესაც ქართველები თავიანთ პირვანდელ სამშობლოდან ამიერ-კავკასიაში გადმოსახლდნენ, მათ „თანა ჰყუანდეს კერპნი ღმერთად გაცი და გაიმ“ (E. Такайшвили, Опис. рукоп., т. II, стр. 709). წმიდა ნინოს შატბერდისეული ცხოვრების ავტორის ცნობაც ამავე ფაქტს ადასტურებს. მირიან მეფეს წმიდა ნინოსათვის ამ ღვთაებათა შესახებ შემდეგი უთქვამს: „ძუელნი ღმერთნი მამათა ჩუენთანი: გაცი და გა“ (Опис. II, გვ. 769). ამავე მატთანეს ცნობით არმაზის კერპის თაყვანისცემა შემოულია ფარნავაზს, „აფინა“-ს კერპის—საურმაგს, „დანინას“—მირვანს და „ზადენისა“ ფარნავაზს (Опис., 09).

ლეონტი მროველს არმაზის კერპის აღმართვის შესახებ ნათქვამი აქვს: „ამან ფარნავაზ... შექმნა კერპი დიდი სახელზედა ზედა თვისსა: ეს არს არმაზი და ფარნავაზ სპარსულად არმაზ ერქვა. ამართა კერპი იგი არმაზი თავსა ზედა ქართლისასა და მიერთგან ეწოდა არმაზი კერპისა მისთჳს და ქმნა სატფურება დიდი კერპისა მისთჳს აღმრთებულისა“-ო (ცა მ'ფთა \*130, გვ. 21). წმიდა ნინოს ცხოვრებაში დაცულია არმაზის კერპის გარეგნული სახის აღწერილობა, რომელსაც გადმოგვცემს თვით წმიდანის „ვიხილე და აჲა დგა კაცი ერთი სპილენძისაჲ: და ტანსა მისსა ეცუა ჯაქჳ: ოქროდსა: და ჩაფხუტი ოქროდსა: და სამკარნი ესხნეს: ფრცხილი და ბივრიტი და კელსა მისსა აქუნდა კრმალი ლესული: რომელი ბრწყინვიდა და იქცევოდა კელსა შინა რეცა თუ: რომელი შეეხებინ თავი თჳსი სიკვდიდ განიწიროს... და მარჯულ მისა დგა კერპი ოქროდსა: და სახელი მისი გაცი: და მარცხლ მისა კერპი ვეცხლისაჲ: და სახელი მისი: გა: რომელნი იგი ღმერთად ჰქონდეს მამათა თქუენთა არიან ქართლით“ (Опис., II, გვ. 752).

ქართული წარმართული პანთეონის დადგენა და მისი მეცნიერული შესწავლა იპყრობდა და იპყრობს მეცნიერთა ყურადღებას. ამ საკითხის პირველი მკვლევარი აკადემიკოსი ნ. მარი (Н. Марр, Боги языческой Грузии по древне-груз. источникам—ЗВОРАО, т. XIV, 1902, в. 2—4) არმაზის კულტისა და კერპის არსებობას რეალურ ისტორიულ ფაქტად სთვლიდა, ხოლო ღვთაებათა გაცი-სა და გა(გაიმ)-ის კულტისა და გამოსახულებათა არსებობა საეკვოდ მიაჩნდა (Н. Марр, op. cit., გვ. 21).

აკად. მარი ქართულ საისტორიო წყაროებში მოყვანილ ცნობებს ლვთაებათა შესახებ მწიგნობრული გზით შემოსულად სთვლის (H. Mapp; op. cit., გვ. 21).

აკად. ივ. ჯავახიშვილი აგრეთვე ამავე შეხედულებისა იყო გაციისა და გა ლვთაებათა წარმოშობის შესახებ. ხოლო რაც შეეხება არმაზს; იგი ამბობს შემდეგს: „არმაზის შესახებ ცნობებს რომ სპარსულ აჭურამაზდასთან სახელის მეტი საერთო არაფერი აქვს, ეს უცილობელია“ (ივ. ჯავახიშვილი, ქართველი ერის ისტორია, წ. I, გვ. 97).

მ. წერეთლის შეხედულებით კი იმ ცნობათა მიხედვით, რომელიც მოიპოვება წმიდა ნინოს ცხოვრებაში არმაზის კერპისა და მისი თვისებების შესახებ ქართველთა არმაზი ერანული აჭურამაზდა კი არ იყო, არამედ „მცირე აზიის ღმერთი ცისა და სინათლისა, ატმოსფერისა, წვიმისა და ელვა-ქექისა“ (მ. წერეთელი, op. cit., გვ. 79—84)\*.

მართლაც, წმიდა ნინოს ცხოვრების ავტორის სიტყვით მირიან მეფეს წმიდა ნინოსათვის უთქვამს შემდეგი: „აჰა ესერა ღმერთნი დიდთი ნაყოფთა მომცემლნი და სოფლის მპყრობელნი, შზის მომფენელნი და წვმისა მომცემლნი, ქუეყნისა ნაყოფთა განმზრდელნი ქართლისა იგი ღმერთნი არმაზ და ზადენ, ყოვლისა დაფარულისა გამომეძიებელნი და ძუელნი ღმერთნი მამათა ჩუნთანი გაცი და გა (Такайшвили, op. cit., გვ. 769).

მ. წერეთელი ამ ტექსტის მიხედვით დაასკვნის, რომ აქ მოხსენებულია მცირე აზიის ღმერთი ცისა და სინათლისა, ატმოსფერისა—წვიმისა და ელვა-ქექისა არმაზ-თეშიუბ და მცირე აზიისავე ღმერთნი ნაყოფიერებისა და მცენარეულობისა ზადენ—Sandan, Santas (მ. წერეთელი, op. cit., გვ. 84).

აკად. ივ. ჯავახიშვილი (op. cit., გვ. 102) დიდს მეცნიერულს სიფრთხილეს იჩენს და თავს იკავებს ისეთი კატეგორიული ხასიათის მჭონე დასკვნისაგან, რომელიც მოყვანილი აქვს მ. წერეთელს. მისი აზრით ზემოთ მოყვანილი ტექსტი წმიდა ნინოს ცხოვრებიდან ზოგადი ხასიათისაა და არ გვაძლევს საფუძველს ზუსტად დავადგინოთ თუ რომელი თვისება ეკუთვნის არმაზის ლვთაებას. რომელი მიეკუთვნება ზადენს. მისი აზრით, ამ თვისებათა განკუთვ-

\* ქართული წარმართობის შესახებ იხ. შემდეგი ლიტერატურა:

1. Н. Я. М а р р, Боги языческой Грузии по древне-грузин. источникам—ЗВРАО, т. XIV, 1902, в. 3—4.
2. დ. კ ა რ ი ქ ა შ ვ ი ლ ი, ქართული მატანის წარმართი ღმერთები. გახ. „თეზი“ 1912 № 66. რევ. А. Ш а н и д з е «Христианский восток», т. II, 1913, стр. 254.
3. О. G. von W e s e n d o n k, Über georgisches Heidentum, L. 1924.
4. მ. წ ე რ ე თ ე ლ ი, ხუთის ქვეყანა, მისი ხალხები, ენები, ისტორია და კულტურა, კონსტანტინეპოლი, 1924.
5. ივ. ჯ ა ვ ა ხ ი შ ვ ი ლ ი, ქართველი ერის ისტორია, წ. I, ტფილისი, 1928, გვ. 33—136.
6. ჯ. კ ე კ ე ლ ი ძ ე, ეტიუდები ძველი ქართული ლიტერატურის ისტორიიდან, II, ითრუჯანი—ტფილისის სახელმწიფო უნივერსიტეტის შრომები, I, 1936, გვ. 123—127.
7. Л. М е л и к с е т - Б е к о в, Армази — историко - археолог. очерк Тбмляси, 1938, 38—44 მასალები საქართველოსა და კავკასიის ისტორიისათვის, ნაკვეთი II, სსრკ მეცნიერებათა აკადემიის საქართველოს ფილიალი.

ნება იმ სახით, რომელიც მოყვანილი აქვს მ. წერეთელს თავის ნაშრომში დასკვნის მიღება (op. cit., გვ. 102) „მკვლევარის ერთგვარ თვითნებობას, რომელიც ეგების მომავალში სწორეც გამოდგეს, მაგრამ რომლის გასამართლებლად ამჟამად უთუო საბუთი არ არსებობს“.

აკად. ივ. ჯავახიშვილი აღნიშნავს (იხ. ქართველი ერის ისტორია, გვ. 98), რომ „ქართველი ხალხის არც ერთი თემის მეხსიერებასა და რწმენას არმაზი, ვითარცა ღვთაება, ან გმირი, ან და ხატი, არ შერჩენია იმისდა მიუხედავად, რომ ჩვენ ერს მაზდეიანობის არა ერთი სხვა ნაშთი აქვს შერჩენილი. როგორ მოხდა რომ სხვა, უფრო წვრილმანიც-კი, ხალხმა შეინარჩუნა, არმაზი-კი სრულებით დაივიწყა, თუ იგი მართლა IV ს-ში ქართველთა მთავარ ღვთაებად და კერპად ითვლებოდა?..“

ბოლოს და ბოლოს აღმოსავლეთ საქართველოში არმაზის კულტის არსებობის ერთადერთი თითქოს სანდო გარემოებად მხოლოდ გეოგრაფიული სახელის „არმაზ-ციხეს“ არსებობა - და რჩება. მაგრამ ამის მიხედვით არავითარი უფლება არა გვაქვს დავასკვნათ, რომ არმაზის კერპიც არსებობდა... ძველ წყაროებში ამის დამადასტურებელი ცნობის უქონლობა და ხალხურ რწმენაშიც, რომ არმაზი არც ღვთაებად, არც ძლიერ გმირად არსადა ჩანს, ასეთ შესაძლებლობას მეტად სათუოდ ჰხდის...

ყველა ზემოთ მოყვანილი მოსაზრებებისა გამო არმაზის შესახებ წმიდა ნინოს შატბერდიისეული ცხოვრების ცნობებით სარგებლობა სახიფათოდ მიმაჩნდა და ეხლიც, მ. წერეთლის გონებამახვილი კომენტარიების შემდგომაც, ისევ მაინც სიტუაციას ვერჩეობ“ (გვ. 101).

მიუხედავად ამისა ჩვენს საისტორიო წყაროებში დაცული ისეთი ცნობები, რომელთა ინალიზის საშუალებით შესაძლებელი ხდება არმაზის ღვთაების ვინაობის დადგენა. წმიდა ნინოს ცხოვრებაში მოთხრობილია რომ არმაზისა და ითრუჯან ღვთაებათა შორის მტრობა არსებობდა: „ეგე არმაზ და



სურ. 1. სტელა ღვთაების გამოსახულებით აღბულახიდან.

ქალდეველთა ღმერთი ითრუშანა ყოვლადვე მტერ არიან. ამან მის ზედა ზღუ-  
და მოადგინის: და მან ამის ზედა ერთი ნურადმე მოაწიის ვითარცა 'ხქუხ' ჩუყ-  
ლებად სოფლის მპყრობელთა" (Опшс. II, გვ. 769),

... და მან ამის ზედა ესეთი დამკობად მუაწია" (იქვე, ჰელიშური ვარიან-  
ტი). ასეთივე ცნობა მოყვანილი აქვს ლეონტი მროველსაც (ქართლის ცხოვ-  
რება მარიამ დედოფლისა, გვ. 73, 88), ამ ცნობათა მიხედვით არმაზი და  
ითრუშანა (ითრუჯან) მტრებია; არმაზმა ითრუშანზე მიუშვა ზღვა, სამაგიე-  
როდ ითრუშანმა მოაწია დამხობა, ე. ი. მისი კერპის დაღწევა და შემუსრვა.  
ამ ცნობათა სწორი ანალიზი და ითრუშანის ღვთაების ვინაობის საბოლოო  
დადგენა ეკუთვნის აკად. კ. კეკელიძეს. მისი აზრით ზემოთ მოყვანილი  
ტიტუსტი ამტკიცებს, რომ ითრუშანი (ითრუჯანი) უნდა მივიჩნიოთ ისეთი სტი-  
ქიონის ღვთაებად, რომელიც წყლით შეიძლება მოსპობილ იქნას, ესე იგი  
ცეცხლის ღვთაებად (კ. კეკელიძე, *op. cit.*, გვ. 125). თვით ამ ღვთაების სა-  
ხელწოდება უფრო სწორად დაცულია წმ. ნინოს შატბერდულ ცხოვრებაში  
„ითრუშან“, ვიდრე ჰელიშურში („ეთრუჯანი“) და ლეონტი მროველის თხზუ-  
ლებაში (ითრუჯანი). აკად. კ. კეკელიძე სავსებით სამართლიანად უარყოფს  
ამ ღვთაების სახელწოდების ეტიმოლოგიას, რომელიც პირველად მოყვანილი  
ჰქონდა მ. ბროსეს, შემდეგ აკად. ნ. მარსა და მ. წერეთელს. მისი აზ-  
რით. სახელწოდება „ითრუშან“ „ქართულ ნიადაგზე ფონეტიკურად სახეშეცე-  
ლილი ფალაური „ატრუშან“ — „ატროშან“ — ცეცხლი, უნდა იყოს (კ. კეკელიძე,  
*op. cit.*, გვ. 125).

წმიდა ნინოს შატბერდულ ცხოვრებაში მოყვანილია ცნობა, რომ ქართ-  
ველები შიშს გამოსთქვამენ ვაი თუ ებრაელთა ანუ მზის მსახურთა მოგვთა სი-  
ახლოვით რაიმე დაეაკლოთ არმაზის დიდებასაო „და იტყვნ: ვად თუ დასადი-  
ვაკლო რაჲ დიდებასა დიდისა ღმერთისა არმაზისსა: და შერასმევცთე სიტყუა-  
სა: ებრაელთა თანა: გინა მოგუთა სმენასა ოდენ: დახუდომილ ვიყო: მზის მსა-  
ხურთა: და რომელნიმე იტყვან უცებნი დიდსა ვისმე ღმერთსა ცათასა: და ნუ  
უჯუე პოვოს რაჲმე ჩემთანა ბიწი: და მცეს მახული მისი: რომელსაგან ეშინის  
ყოველსა ქუეყანასა და შიშით თაყუანის სცემდეს ყოველნი“ (Опшс. II, გვ. 752).

ქართული საისტორიო წყაროები ერთხმად ამტკიცებენ, რომ არმაზი  
არის წმინდა ქართული ეროვნული ღვთაება. განსაკუთრებით ყურადღების ღირ-  
სია ის ცნობა, რომელიც დაცულია ლეონტი მროველის თხზულებაში. ფარნი-  
ჯომ მეფემ უღალატა ეროვნულ სარწმუნოებას, განუდგა მას და „შეიყვარა  
სჯული სპარსთა. ცეცხლის მსახურება, მოიყვანა სპარსეთით ცეცხლის მსახურ-  
ნი და მოგუნი და დასხნა იგინი ადგილსა მას, რომელსა აწ რქვან მოგუთა.

ამისთვის მოიძულეს იგი მკვდრთა ქართლისათა, რამეთუ დიდი სასოება  
აქუნდათ კერპთა მიმართ. მაშინ შეიკქუნეს ერისთავნი ქართლისანი უმრავ-  
ლესნი და წარავლინეს მოციქული წინაშე სომეხთა მეფისა და რქვეს: მეფე  
ჩუენი გარდა და სჯულსა მამათა ჩუენთასა, აღარ მსახურებს ღმერთთა მპყრო-  
ბელთა ქართლისათა და შემოიღო სჯული დედული, აწ აღარა ღირს არს იგი  
მეფედ ჩუენდა“ (ქართლის ცხოვრება მარიამ დედოფლისა, გვ. 24—25).

როგორც ნათლად ჩანს, ლეონტი პროველი არმაზს ქართულ ეროვნულ ღმერთად სთვლის, ცეცხლის თაყვანისმცემლობას კი უცხო კულტად აღიარებს.

ქართული საისტორიო წყაროების კრიტიკული შესწავლა ამტკიცებს, რომ ქართული წარმართობის ზოგადი სურათი ისტორიულ სინამდვილეს საკმაოდ სწორად ასახავდა. ჩვენ ვერ დავეთანხმებით აკად. ნ. მარის დასკვნას «*у авторов жития св. Нины, Обращения Грузии и грузинских летописей не было никаких, даже смутных представлений о стародавнем родном грузинском язычестве, что в их время... родное язычество вполне было вытеснено из памяти иранским культом*» (Марр, *op. cit.*, стр. 12). აკად. ნ. მარი არჩევს რა არმაზის კერპის გარეგნული სახის აღწერილობას, რომელიც მოცემულია წმ. ნინოს ცხოვრებაში და ამტკიცებს «*что автор этого описания воспользовался внешними более или менее известными ему атрибутами мага-жреца и с этими атрибутами создал для Армяза особого идола, без чего и язычество-то грузинское не имело бы столь богопротивного вида. Для этого барсома или паянца, и та, и другая—одни из атрибутов мага (Spiegel, Iranische Alterthumskunde, III. S. 560, 590), могла быть обращена в отточенный меч идола; шлем с наплечниками для идола мог получиться из тиары мага с ниспадающим забралом для открытия губ и шек, о которой говорят Страбон и Павзаний, кн. V, 27, 6 (Spiegel, *op. cit.*, стр. 542)».*

ამგვარი განმარტების დასაბუთება სავსებით ირ ირის დამაჯერებელი. არმაზის კერპის გარეგნული სახე და კულ-



სურ. 2. სტელა ღვთაების გამოსახულებით აღბულაზიდან.

ტის ის ნიშნები, რომელიც აღნიშნულია მატრიანეში, მოწმობს, რომ მას არა-  
 ვითარცა კავშირი არა აქვს ირანულ მაზდეიანობასთან. ქართულსა სანსტორიო  
 წყაროებისა და ირანულ მაზდეიანობის მასალების შესწავლა ირკვევს, რომ  
 არმაზის ღვთაების კულტს არავეითარი კავშირი არა აქვს ირანულ აპურამაზდას  
 ღვთაებასთან.

ირანულ მაზდეიანობის მასალების გაცნობა, ავესტაში დაცული ტექსტე-  
 ბი, სადაც კი მოხსენებულია აპურამაზდა, ადასტურებს, რომ ამ ღვთაების წარ-  
 მოდგენა ანთროპომორფული სახით ყოველად შეუძლებელი იყო. ირანულ რე-  
 ლიგიურ წარმოდგენაში აპურამაზდას არ ახასიათებს ანთრომორფული ხასიათის  
 ნიშნები, როგორც ასე ქარბადაა მოცემული მითრასა და ანაპიტის ღვთაემა-  
 თა კულტში. აპურამაზდას ირანულ ხელოვნებაში ისეთივე განყენებული ხასი-  
 ათის თვისებებით აღნიშნავდნენ, როგორც რელიგიურ ქრისტიანულ ხელოვნე-  
 ბაში აღნიშნავდნენ სამების პირველ პირს—მამა ღმერთს. აპურამაზდას ღვთაე-  
 ბის ნიშანი იყო ფრთოსანი შხის წრე, რომლის წინ ვედრების პოზაში გამოსა-  
 ხულია დარიუს მეფე ბეჰისტუნის ძეგლზე (Sarre und Herzfeld, Iranische Fels-  
 relief Taf. V). სასანური ხანის ირანულ ხელოვნებაში აპურამაზდას გამოსა-  
 ხულება ცნობილია, თანახმად საერთოდ მიღებული აზრისა, არა ერთხელ რე-  
 ლიეფებზე, რომლებიც გამოსახავს მეფის ინვესტიტურას ღვთაების მიერ. ნაყშ-  
 იარუსთამის რელიეფზე (Sarre und Herzfeld, op. cit., Taf. V) გამოსახულია  
 სასანიანთა გვარის პირველი მეფე ართაშირი (226—242 წ.), რომელსაც სამე-  
 ფო ნიშანს (გვირგვინს) უბოძებს თვით ღვთაება. ორივე მხედარი გამოსახული  
 არიან პირისპირ, სამეფო სამოსელში და ყველა სათანადო ატრიბუტით, ხოლო  
 ღვთაების გამოსახულება ოდნავ უფრო დიდია ვიდრე მეფის. ფალაური წარ-  
 წერა სწორედ იმ ადგილას, სადაც ღვთაების სახელი უნდა იყოს აღნიშნული.  
 დაზიანებულია, როგორც ეს აღნიშნული აქვს (Thomas Sasanian Inscriptions,  
 London, 1868, p. 19) ღვთაების სახელწოდება, რომ კიდევაც ზუსტად იყოს  
 დასახელებული, საკმარისი არ იქნება, ვინაიდან საჭიროა გამორკვევა რა კონ-  
 ტექსტშია იგი მოხსენებული. სიმწუხაროდ ჩვენ ხელთ არა გვაქვს Herzfeld-ის  
 მონოგრაფია (Paikuli-ის ეპიგრაფიკული მასალების შესახებ), სადაც მოცემულია  
 ყველა წარწერის ახალი წაკითხვა. ყოველ შემთხვევაში სხვა უფრო გვიანდელი  
 ხანის ლიტერატურის მიხედვით არა ჩანს, რომ იმ წარწერის ამოკითხვა, რომელიც  
 ჩვენ ამჟამად გვაინტერესებს, არ არის შეცვლილი. ნაყშ-ი-რჯაბში გა-  
 მოსახულია შაფურ I (242—272) ართაშირის ვაჟისა და მემკვიდრის ინვენსტი-  
 ტურა (Sarre und Herzfeld, op. cit., Taf. XIII) იმავე პოზაში, სათანადო ნიშნე-  
 ბით, როგორც პირველ ძეგლზე. შაფურში დაცულია იმავე შინაარსის რელიე-  
 ფი, რომელზედაც გამოსახულია ბაჰრამ I-ის (273—277) მიერ ინვესტიტურის  
 მიღება (Sarre und Herzfeld, op. cit. Taf. LXI). აპურამაზდას გამოსახულებას ამ  
 ორივე დასახელებულ რელიეფზე წარწერა არა აქვს. პირიქით, ჩვენ ვფიქ-  
 რობთ, რომ არც ერთ შემთხვევაში, რომელიც იყო ზემოთ მოყვანილი, თუ  
 მხედველობაში მივიღებთ ართაშირის რელიეფის წარწერის დაუდგენლობას,  
 ჩვენ არ უნდა გვქონდეს აპურამაზდას გამოსახულება: ირანული რელიგიური  
 წარმოდგენის თანახმად შეუძლებელი იყო აპურამაზდას გამოსახვა სამეფო სა-

მოსელში და სათანადო ნიშნებით. ამიტომ სამეფო ნიშნის მიზნიკებელი გამოსახულების ვინაობა უნდა იქნას გამორკვეული.

სასანიანთა გვარის მეფეები თავის გვარს ღვთაებრივი წარმოშობისად სთვლიდნენ ერთი ტრადიციის მიხედვით, როგორც ეს დადგენილი აქვს Herzfeld-ს<sup>1</sup>. იმავე მეცნიერის აზრით sāsān-ი, რომლის სახელიდან ნაწარმოებია გვარის აღმნიშვნელი ტერმინი sāsānakan, არის ტიტულის განსაზღვრება და არა რეალური პიროვნება; ავესტაში იგი ცნობილია sāstar-ის ფორმით და აღნიშნავს სატრაპს, მეთაურს. ეს სიტყვა მისივე აზრით არის მიდიური წარმოშობის; ძველ სპარსულში ნათესაობით ბრუნვაში იგი მიიღებს შემდეგ ფორმას sāsθ, საშუალ სპარსულში კი sās, აქიდან sāsān—სატრაპი, მეთაური (Herzfeld, op. cit., p. 77.—78). ერთი სიტყვით, სასანიანთა გვარის სახელწოდება მომდინარეობს ძველი ირანული წყაროდან, რომელიც აქემენელთა ეპოქას მიეკუთვნება. სასანიანთა გვარის პირველი მეფენი, უპირველეს ყოვლისა ართაშირი (206 — 242 წ.) ცდილობს მიბაძოს აქემენიდებს; ართაშირის მონეტები ბაძავენ მიტრიდატ II მონეტებს, რომელმაც აღადგინა აქემენიდების ტიტული. იგი ცდილობდა დაემკვიდრებინა აქემენიდების ტრადიცია. აქემენიდების სახელი და ზთელი ეპოქა ამ დროს წარმოადგენდა ირანული ეპოსის მთავარ მოტივს. ეპოსი მხოლოდ ზოგადად ეყრდნობა ისტორიულ ტრადიციას. იგი იცნობს Bahman-ს (დარიუსის მამას) და Dāra-ს. ვინაიდან ართაშირის ვაჟს Dāra ეწოდებოდა, ამიტომ მოგვიანო ტრადიციამ Bahman-ი და ართაშირი გააერთიანა ერთს პიროვნებაში და Dāra-ს მამა აღიარებული იქნა სასანიდების წინაპრად. ჰერცფელდის აზრით ორივე სახელი Bahman-ი და Dāra ნასესხი იყო ეპოსიდან და შემდეგ შეტანილი გადმოცემაში სასანიანთა გვარის აქემენიდური შთამომავლობის შესახებ (Herzfeld, op. cit., p. 77). სასანიდების წინაპარი უნდა იყოს გამოსახული ნაყში-რუსთამისა და შაფურის რელიეფებზე მეფის რეგალიებით შემკული და არა ღვთაება აჭურამიზდა. გაღმერთებული წინაპარი, წარმოდგენილი მეფის ტანსაცმელში და სათანადო სამეფო ნიშნებით აწვდის გვირგვინს ოხლად ტახტზე ასულ მეფეს. ამრიგად, ჩვენი აზრით, ზემოთ გარჩეულ სასანურ რელიეფებზე უნდა იყოს გამოსახული სიმბოლური და არა რეალური სიუჟეტი მეფის ხელდასმისა და გვირგვინის კურთხევის ორა აჭურამიზდას მიერ. არამედ სასანიანთა გვარის გაღმერთებული წინაპრის მიერ.

როგორც ირკვევა ზემოთქმულიდან, აჭურამიზდას გამოსახვა ირანულ ხელოვნებაში მხოლოდდამხოლოდ სიმბოლური ნიშნით იყო მიღებული. ამ



სურ. 3. მთვარის ღვთაების გამოსახულება იასილი-კაი-ფებიდან.

<sup>1</sup> Herzfeld, Archaeological history of Iran, I. 1934, p. 7—8.

ღვთაების წარმოდგენა რეალურ ანთროპომორფული სახით შეუძლებელი იყო. ამიტომ ჩვენი აზრით ყოველად შეუძლებელია არმაზის ღვთაების გამოსახულების დაკავშირება აპურამაზდასთან. პირიქით, არმაზის კერპის აღწერილობა ისეთი სიზუსტითაა და გარკვეული დამახასიათებელი ნიშნებით მოცემული წმ. ნინოს ცხოვრებაში, რომ სულ სხვა დასკვნას გვაძლევს. უპირველეს ყოვლისა არმაზის ღვთაების კერპი ზემოთ მოყვანილ აღწერილობის მიხედვით გამოსახავს მებრძოლს, მხედარს, რომელსაც ტანს აცვია ოქროს აბჯარი, თავზე ხურავს ოქროს ჩაფხუტი და ხელში უჭირავს „კრმალი ლესული“. თვით ქანდაკება ყოფილა სპილენძიდან დამზადებული. აღწერილობის ის ვარიანტი, რომელიც დაცულია წმიდა ნინოს ქელიშურ ცხოვრებაში და შეიცავს მეტად საყურადღებო ცნობას: „და თვალნი ვითარცა ვეცხლი და ბივრიტი“ (On. II, გვ. 752). ტექსტის ეს ადგილი გასაგები იქნება ჩვენთვის თუ მოვიგონებთ, რომ ძველი აღმოსავლეთის ქანდაკებებში, მოყოლებული სუმერული ეპოქიდან, გავრცელებული იყო თვალების ჩასმა სხვა მასალიდან, ხშირად ხმარობდნენ ძვირფას ქვებს. არმაზის სპილენძის ქანდაკებას ამ აღწერილობის მიხედვით ჰქონდა თვალის კაკალი ბივრიტისა, ხოლო გარსი ვეცხლისა. ამ აღწერილობაში უფრო მეტ ყურადღებას იპყრობს ის გარემოება, რომ მოქანდაკეს დაუმზადებია არმაზის გამოსახულება სხვადასხვა მასალიდან; მან გამოიყენა სპილენძი, ოქრო, ვერცხლი და ძვირფასი ქვები. აღსანიშნავია, რომ გაცის ქანდაკება ყოფილა ოქროსი, ხოლო გა-ს გამოსახულება ვერცხლისა.

ქანდაკების დამზადებაში სხვადასხვა მასალის გამოყენება, როგორც ცნობილია, დამახასიათებელი მოვლენაა ხალდურ ხელოვნებაში. ბერლინის მუზეუმში ბრინჯაოს ქანდაკება ხალდური წარმოშობის, რომელიც დამზადებულია ბრინჯაოდან, ხოლო თავი კი აქვს მარმარილოსი, თვალები ინკრუსტირებულია<sup>1</sup>. ასეთივე ტექნიკა ცნობილია მკირე, ე. წ. დეკორაციულ ქანდაკების დარგში. სახელმწიფო ერმიტაჟში დაცულია ბრინჯაოს ქანდაკება ფრთოსანი ლომის ადამიანის ტორსისა და თავის გამოსახულებით; ქანდაკების სხეულზე დაკრული ყოფილა ზემოდან ოქრო, რომელიც ზოგან კარგად შენახულა. ქანდაკების პირისახე გამოკვეთილია თეთრი ჯიშის ქვიდან, წარბები და თვალები კი ინკრუსტირებულია<sup>2</sup>.

ერმიტაჟში დაცულია ფრთოსანი ხარის გამოსახულება, რომელიც იმნიშობიერე წესითა და მასალით არის დამზადებული, როგორც უკვე აღწერილი ქანდაკება. ასეთივე ქანდაკება დაცულია ბრიტანეთის მუზეუმში<sup>3</sup>. ერთი სიტყვით, ქანდაკების დამზადება სხვადასხვა მასალიდან წარმოადგენს ხალდების ხელოვნების დამახასიათებელ თავისებურებას, ეს წესი სხვადასხვა სახით, ზოგ შემთხვევაში შეცვლილი სახით გავრცელდა სხვადასხვა ქვეყანაში: ირანში, საბერძნეთში და მის უგვიანეს ტრადიციას ჩვენ ვპოულობთ სლავების წარმართულ ხელოვნებაში. რუსულ მატრიანეთა ცნობით სლავების წარმართულ პანთეონში

<sup>1</sup> Götz e, Kleinasten—Kulturgeschichte des alten Orients, Abb. 16.

<sup>2</sup> Б. Б. Пиотровский, Урарту—древнейшее государство Закавказья, Л. 1919, стр. 39.

<sup>3</sup> Б. Б. Пиотровский, op. cit., стр. 39—40.

მთავარი ადგილი ეჭირა ღვთაებას პერუნს. სლავების მოქცევის ამბავის აღწერისას მათიანე საკმაოდ ზუსტად გადმოგვცემს, რომ სლავების მთავარი ღმერთებია—პერუნი, ელვა-ქუხილისა და ნაყოფიერების ღმერთი გამოსახული ყოფილა ხის კერპის სახით, რომელსაც ვერცხლის თავი და ოქროს ულვაშები ჰქონდა<sup>1</sup>. ამ ღვთაების ქანდაკება იდგა კიევში პერუნის ბორცვზე (იხ. ნესტორის მათიანე 980 წ.) და ქალაქ ნოვგოროდში (იხ. სოფიის მათიანე 991 წლის ქვეშ). ორივე ქანდაკება განადგურებულ იქნა ქრისტიანობის მიღებისთანავე, როგორც ამას მხატვრულად აღწერს რუსეთის ძველი მათიანე<sup>2</sup>.

ნოვგოროდის მათიანე გადმოგვცემს, რომ პერუნის კერპს ხელთ ეპყრა ლახტი, მდინარე ვოლხოვში გადაგდებულმა კერპმა ხიდზე გადაისროლა ლახტი: «Совлекоша идола в Волхов, а в Перуне бес, и пачат кричати: «ох мне, ох, и пловя вниз, вверже палицу на мост»» (Айналов, История русского искусства, Петр. I, 1915, стр. 66—67).

რუსეთის ძველი მათიანეს კენისბერგის ხელნაწერში დაცულია პერუნის კერპის გამოსახულება (ფ. 16, 40 წ.), რომელიც წარმოდგენილია შუბით მარჯვენა ხელში. მარცხენაში-კი ისრები უჭირავს (Айналов, op. cit., стр. 66—67).

დავუბრუნდეთ არმაზის გამოსახულების ანალიზს. ღვთაების გამოსახულების ის ნიშნობლივი თვისებანი, რომელიც ჩვენს წერილობით წყაროებშია აღნიშნული, ერთი მხრით მიგვითითებს იმ ტრადიციებზე, რომელიც უნდა მომდინარეობდეს ხალხური ხელოვნების წრიდან, ხოლო თვით კერპის გარეგნული აღწერილობა მიგვითითებს ელინისტურ ეპოქაზე.

არმაზის ღვთაებას. როგორც აღვნიშნეთ, ქართული საისტორიო წყაროები სთვლის წმინდა ქართულ ეროვნულ ღვთაებად, რომელსაც პირველობა ჰქონდა წარმართულ პანთეონში. ამავე წყაროების ცნობით არმაზს სწირავდნენ ადამიანის მსხვერპლს.

აღნიშნული წესი ადამიანის მსხვერპლად შეწირვისა შესცვალა, როგორც ლეონტი მროველი მოგვითხრობს (ქართლის ცხოვრება, მარიამ დედოფლისეული, გვ. 43) რევ მართალმა. აკად. ივ. ჯავახიშვილის მიერ უკვე დიდი ხანია, რაც დადგენილია, რომ ქართველების მთავარი ღვთაება იყო მთვარე, რომელიც წარმოდგენილია მამაკაცის სახით, ქართველი ხალხის აზროვნებაში წმ. გიორგის ძველი წარმართობის დროინდელი მთავარი ღვთაების ადგილი უკავია. მთვარის ღვთაებას, როგორც ამას ადასტურებს სტრაბონის ცნობა (Geographica. lib. XI, стр. III და 7), ადამიანის მსხვერპლს სწირავდნენ იღბანელები და ალბათ მათი მახლობელი მეზობლები იბერიელები (ივ. ჯავახიშვილი, ქართველი ერის ისტორია, წ. I, ტფილისი, 1928, გვ. 43—54).

ამრიგად, არმაზის სახელწოდებას არავითარი კავშირი არა აქვს ირანული აპურამაზდასთან. ქართულ მათიანეებს დაუცავთ მთვარის ღვთაების წარ-

<sup>1</sup> А. Ф о м и ц ы в, Божества древних славян, СПб, вып. I, 1884 г.

<sup>2</sup> Полное собрание русских летописей, II, стр. 258. «И постави кумиры на холму вне двора теремного Перуна древяныя, а главу его серебряну, а усм влэт, и Хорса, Дажь бога и Стрибога, и Смаргла, и Мокошь».

მართული სახელწოდება. ამ სახელწოდების სადაურობა, შეთვისებული თუ არა იგი ქართველი ტომების მიერ, თუ იგი პირვანდელი, საკუთრივ ქართული, დაკავშირებულია თუ არა იგი ეგრეთწოდებულ პროტო-ხეთურ ენასთან, ამას გამოარკვევს მომავალი კვლევა და ის პირები, რომელთა კომპენტენტიაში შედის ამ საკითხის გადაჭრა. ჩვენთვის ჯერ-ჯერობით საკმარისია დადგენა იმ ფაქტის, რომ ჩვენ საისტორიო მწერლობას დაუცავს მეტად საყურადღებო ცნობები ქართული წარმართობის შესახებ, ცნობები, რომელთაც ჰქონიათ რეალური ისტორიული საფუძველი.

## II

არქეოლოგიური მასალების შესწავლას უდიდესი მნიშვნელობა ენიჭება ქართული წარმოშობის დამახასიათებელი ნიშნების დადგენის საქმეში. არქეოლოგიური გათხრებისა და აღმოჩენათა მასალებში წარმართული კულტის დამახასიათებელი ღვთაებათა გამოსახულებანი უმთავრესად განისაზღვრება მკორე ზომის ბრინჯაოს ქანდაკებათა სახით. პროფ. ა. ზახაროვი შეეცადა გაერკვია ამ ძეგლთა ერთი ჯგუფი, რომელსაც ფალოსის კულტის ნიშნები ახასიათებს. იგი მიაკუთვნებს მას ეგეოსის კულტურისა და უფრო მეტად კი ხეთური კულტურის და ხელოვნების წრეს<sup>1</sup>. სამწუხაროდ პროფ. ა. ზახაროვის ცდას აკლია მტკიცე მეცნიერული საბუთიანობა, მას არა აქვს გარკვეული თვითიერი გამოსახულების ვინაობა და ატრიბუტები, მათი ქრონოლოგიური განაწილება და მხატვრული ფორმის ანალიზი, ურომლისოდაც შეუძლებელია მტკიცე მეცნიერული საბუთიანობა, მას არა აქვს ~~გარკვეული თვითიერი~~ გამოსახულების ვინაობა და ატრიბუტები, მათი ~~ქრონოლოგიური განაწილება~~ და მხატვრული ფორმის ანალიზი, ურომლისოდაც შეუძლებელია მტკიცე დასკვნის მიღება.

წარმართულ ხანას უეჭველად ეკუთვნის რელიეფი ადამიანის ფიგურის გამოსახულებით, რომლის გარჩევა შეიძლება ჩვენი კვლევის ძირითად ამოცანას. იგი ჩამოტანილია აღბულახის რაიონიდან ა. ფლორენსკის მიერ. ძეგლის ჩამომტანის ცნობით, რელიეფი-სტელა დადგმული ყოფილა კვარცხლბეგზე და მას ადგილობრივი მოსახლეობა თაყვანსა ცემდა როგორც წმინდა გიორგის ხატს. ძეგლი წარმოადგენს კირქვის სტელას, რომელსაც აქვს 80 სმ სიმაღლე, განი 25 სმ. სისქე-კი უდრის 10 სმ. ადამიანის გამოსახულება ამოკვეთილია ქვის ზედაპირზე დაბალი რელიეფის სახით. იგი წარმოადგენს ადამიანის გამოსახულებას მთელი ტანით en face, რომელსაც ორივე ხელი თითქოს გულზე აქვს დაწყობილი. გამოსახულების სხეული გადმოცემულია სქემატიკურ ფორმაში, მეტად ლაკონიურად. ადამიანის სხეულის გადმოცემას ახასიათებს ერთგვარი პრიმიტიულობა. რაც თავის თავად, გამოსახულების ატრიბუტის განხილვის

<sup>1</sup> Захаров, Кавказ, Малая Азия и Эгейский мир (труды секции археологии научно-исследовательского ин-та археологии и искусствоведения 2, Москва, 1928, стр. 35—45).

A. Zakharov, Etudes sur l'archéologie de l'Asie Mineure et du Caucase (Revue Hittite et Asiatique, Paris, 1931, p. 120—128, pl. 9).

გარეშე, არ გვაძლევს ზუსტ ნიშნებს ძეგლის დათარიღებისათვის. გამოსახულების სტილის მთავარი დამახასიათებელი ნიშანი შემდეგია: სხეული მოკუმულად, სქემატიკურად, სხარტ პრიმიტიულ ფორმაში, დაბალი რელიეფის სახით; ხელები, ფეხების ორივე ტერფი და ყურები სხეულთან შედარებით დიდი და ჩვეულებრივი პროპორციულობის კანონს არღვევს. პირისახე, როგორც ამას ადასტურებს ძეგლის დაკვირვება, არ ყოფილა დამუშავებული ოსტატის მიერ: თვალები, ცხვირი და ბაგე არ არის მოხაზული. ძეგლი მოღწეულია ჩვენამდე დაუზიანებლად; აღნიშნულ გარემოებას სჭირდება ახსნა-განმარტება. გულმკერდი გადმოკუმულია სტილიზირებული რელიეფური წრის საშუალებით, რაც წარმოადგენს ძუძუს პირობითს გამოსახვას ადრინდელი ხანის ხელოვნებაში. ამგვარად გადმოკუმულია გულმკერდი ყაზბეგში ნაპოვნ მცირე ხანის ბრინჯაოს ქანდაკებაზე (Tallgren, *Caucasian monuments. The Kazbek Treasure, Eurasia septentrionalis antiqua*, V, p. 129—130) და ქუთაისის მხარეთმცოდნეობის მუზეუმის ქანდაკებაზე (ს. მაკალათია, ფალოსის კულტი საქართველოში, მიმოხილველი ტფ. 1926, გვ. 128—129).

საერთოდ უნდა აღინიშნოს ხაზგასმით, რომ ჩვენი ძეგლის სტილი ზოგადი ნიშნებით მკიდროდ ენათესავება ჩვენში ნაპოვნ მცირე ზომის ბრინჯაოს ქანდაკებათა განსაზღვრულ ჯგუფს, რომელთა სტილი მოგვაგონებს ტალგარენისა და ა. ზახაროვის აზრით (Zacharov, *op. cit.*, p. 120—128) ხეთური წარმოშობის მცირე პლასტიკის ძეგლებს. ჩვენი ძეგლი კი უფრო მეტად ჰგავს ჩვენში ნაპოვნ მცირე ზომის ბრინჯაოს ქანდაკებებს, რომელთა ზუსტი თარიღი ჯერ-ჯერობით დადგენილი არ არის და მათი შესწავლა ჯერ-ჯერობით ზოგადი შენიშვნების ფარგლებს არ გაცილებია. სამწუხაროდ მასალის უქონლობის გამო ჩვენ არ შეგვიძლია აღნიშნული რელიეფის შედარება ამავე ხანის ქართული პლასტიკის სხვა ძეგლებთან; მომავალში კი მოსალოდნელია ახალი მასალების აღმოჩენა, რომელიც საშუალებას მოგვცემს უფრო მტკიცე ნიადაგზე დავაყენოთ იდრინდელი ხანის ქართული პლასტიკის შესწავლა.

ჯერ-ჯერობით უნდა დავემაყოფილოთ იმ ატრიბუტების განხილვით, რომლებიც მოკუმულია ჩვენს ქანდაკებაზე. უპირველეს ყოვლისა ყურადღებას იპყრობს ქანდაკებაზე გამოსახული ფიგურის თავსაბურავი. თავსაბურავს აქვს ზოგადი კონუსისებური ფორმა, რომელსაც ბოლოში აქვს წვეტიანი ორი ქიმი. კონუსისებური ფორმის თავსაბურავი მიღებული თვალსაზრისის თანახმად ცნობილია ფრიგიული წარმოშობის ნიშნად. ხოლო ფრიგიული ტიპის თავსაბურავი, რომელსაც ქვეით აქვს ორი წვეტიანი ზემოთ აწეული ქიმი, ცნობილია ხეთური წარმოშობის გლიპტიკის ძეგლებზე (Contenau, *La glyptique Syro-Hittite*, P. 1922. fig. 154, 155, 163). ქიმიანი თავსაბურავი არის ღვთაებათა ატრიბუტი ძველი აღმოსავლეთის ხელოვნებაში, დაწყებული ურის ეპოქიდან (Contenau, *op. cit.*, p. 26—28). იგი დაკავშირებულია რქოსან თავსაბურავთან. ხეთური რელიეფის შესწავლა-კი არკვევს, რომ კონუსისებური ქიმიანი თავსაბურავი იუსცილებელი ატრიბუტია მთვარის ღვთაებისათვის. მართლაც იასილიკის რელიეფზე გამოსახულია მთვარის ღვთაება ამგვარი თავსაბურავით. იგი გამოხატულია უწვერულვაშო ქაბუკის სახით, რომლის კონუსისებური თავსაბურავით

რავის ქვედა ნაწილი გამოსახავს ახალ მთვარეს (Perrot et Ghipiez, *Histoire de l'art dans l'antiquité*, t. VI, P. 1887, p. 623, pl. VIII—D). მთვარის გამოსახულებას ერთს ხელში ჰქონდა ისე, როგორც დანარჩენ მთვარე ღვთაებთან გამოსახულებათ იასილი-კაიას რელიეფზე სახელის აღმნიშვნელი იეროგლიფური ნიშანი-წარწერა, რომელიც არ შენახულა. მთვარის ღვთაებას ტანს აცვია მოკლე შესამოსელი, როგორც პირველ რიგში გამოსახულ მთვარე ღვთაებას. ზურგს უკან მას აქვს ორი მალღა ამართული ფრთა (Contenau, *La civilisation des Hittites et des Mitanniens*, P. 1934, p. 202). არსლანთეფეს რელიეფებზე გამოსახულია აგრეთვე მთვარის ღვთაება (Contenau, *op. cit.*, p. 112). მთვარე ამ შემთხვევაში გამოსახულია გრძელი ასურული ტიპის შესამოსელში, იგი წვეროსანია იმ წესის თანახმად, რომელიც მიღებული იყო ასურულ ხელოვნებაში ღვთაებთან გამოსახულების მიმართ. თავსაბურავი ახალი მთვარის ნიშნით და ფრთები ამავე გამოსახულებას ისეთივე აქვს, როგორც იასილი-კაიას რელიეფს ჩვენი დაკვირვებით არსლან-თეფეს რელიეფი დიდ გაელენა განიცდის ასურული ხელოვნებისას, იგი უნდა იყოს შესრულებული არა უადრეს VIII ს. (ჩვენს წელთაღრიცხვამდე) და გაცილებით უფრო გვიან ხანას უნდა ეკუთვნოდეს, ვიდრე იასილი-კაიას რელიეფები. იასილი-კაიას რელიეფებზე მთვარის ღვთაების შემდეგ გამოსახულია ორი ფიგურა ადამიანისა და ცხოველის ატრიბუტებით, რომელთაც ხელში უჭირავთ საგანი, რომელსაც აქვს ახალი მთვარის ფორმა ზემოთ აწეული ქიმით. Contenau-ს აზრით ეს უნდა იყოს მრგვალი მაგიდა „საყდარი“ მსხვერპლის შესაწირავი (Contenau, *op. cit.*, p. 202—203). მაგრამ უფრო საფიქრებელია, რომ აქ უნდა იყოს გამოსახული მთვარე. რომელიც ხელთ უჭირავს ორ ფანტასტიკურ არსებას ნახევრად ადამიანისა და ნახევრად ცხოველის ატრიბუტებით შემკულს. ამ გამოსახულების შემდეგ მოცემულია მთელი ფრიზი მცველების ერთსა და იმავე სამოსელში, რომელთაც თავზე ჰბურავთ მალღა დაღარულ კონუსისებური ქუდი, ხელში აქვთ სატევარი, რომელიც ნამგალს მოგვაგონებს (Weber, *L'art hittite*, P. 1922, fig. 32). სატევრის ნამგლისებური ფორმა ცნობილია ადრინდელი ხანის ხელოვნებაში. როგორც რიტუალური დანიშნულების იარაღი აღმოსავლეთის ყველა ქვეყანაში და, როგორც ირკვევა, იგი დაკავშირებული ყოფილა მთვარის ღვთაების კულტთან (A. Jeremias, *Handbuch der altorientalischen Geisteskultur*, B. u. L., 1929. S. 359). ბაბილონისა და სუმერების რელიგიურ წარმოდგენაში მთვარის ღვთაების *Si-ma*-ის სიმბოლიურ ნიშნად ითვლებოდა ახალი მთვარე თავის წვეტიანი ქიმებით. იარაღით, რომელსაც ჰქონდა ნამგლის ფორმა და მოგვაგონებდა ახალ მთვარეს, ღვთაებამ *Si-ma*-მა დასძლია ბნელი ძალი. ამ მოყვანილობის იარაღს *gamlu* ანუ *namša* ეწოდებოდა. ჩვენში არქეოლოგიური გათხრების დროს ნაპოვნია რამდენიმე ცალი ბრინჯაოს ნამგლისა. რომელიც მოღწეულია დაზიანებული სახით. ნამგლის პირის მცირე ზომა გვაფიქრებინებს, რომ მის უნდა ჰქონოდა რიტუალური დანიშნულება და არა პრაქტიკული. ასეთივე სიმბოლიური მნიშვნელობა ჰქონდა ღვთაება *Si-ma*-ის მეორე იარაღს შეილდს *kaštu*-ს, რომლის ფორმა აგრეთვე მთვარეს მოგვაგონებს (A. Jeremias, *op. cit.*, S. 259). იასილი-კაიას რელიეფების დიდი ნაწილი, დაწყებული მთვა-

რის ღვთაების გამოსახულებით და დამთავრებული მცველთა ფრიზით, უნდა იყოს სიუჟეტი, რომელიც მთვარის ღვთაების კულტთან იყო დაკავშირებული. თუ მხედველობაში მივიღებთ იმ დიდ ადგილს, რომელიც დათმობილი აქვს აღნიშნული თემის გამოსახვას იაზილი-კაიას რელიეფებზე, მაშინ ნათელი იქნება ჩვენთვის, რომ მთვარის კულტს განსაკუთრებული საპატიო ადგილი ეჭირა ხეთების რელიეფურ წარმოდგენაში.

ჩვენი რელიეფის მარცხენა მხარეზე გამოხატულია სწორედ შვილდი. მცირე ზომის შვილდა გავრცელებული ყოფილა ხეთურ სინამდვილეში, რადგანაც იგი ხშირად გამოსახულია ხელოვნების ძეგლებზე (Pottier, L'art hittite, P. 1922, fig. 91, p. 78). შვილდის ბოლო ჩვენს რელიეფზე მოხრილია სწორედ იმნაირად, როგორც ეს გამოსახულია ზემოთ დასახელებულ ხეთურ რელიეფებზე. აღსანიშნავია, რომ შვილდის ლარი ოსტატს არ აღუნიშნავს. უფრო მეტ ყურადღებას იპყრობს ხანჯლის გამოსახულება. ხანჯალს აქვს ჰორიზონტალურად გაშლილი ფოჩი, რომელიც მიმაგრებულია ტარზე. ამგვარი მოტივი კარგად ცნობილია ხეთურ ხელოვნებაში (Pottier, op. cit., fig. 102, 101, pl. VII). უფრო მეტ ყურადღებას იპყრობს თვით ხანჯლის მოყვანილობა. ამგვარი მოკლე ხანჯალი და თვით ტარის მოყვანილობა, რომელიც უთუოდ უნდა იყოს უშუალოდ დაკავშირებული პირთან, ცნობილია განვითარებულ ბრინჯაოს ხანაში მხოლოდ საქართველოს ტერიტორიაზე (Zakharov, Etudes sur l'archéologie de l'Asie Mineure et du Caucase, Revue hittite, P. 1931, p. 134). განსაკუთრებით ახლოა ჩვენს ხანჯალთან ის ხანჯალი, რომელიც გამოცემულია ა. ზახაროვის მიერ დასახელებულ ნაშრომში, № 5.

მოსკოვის ისტორიულ მუზეუმს მოეპოვება სულ ხუთი ცალი ამგვარი ტიპის ბრინჯაოს ხანჯლისა, რომელიც შეძენილია თბილისში. მცხეთა-არმაზის არქეოლოგიური გათხრების დროს ნაპოვნია 8 ცალი აღნიშნული ტიპის ბრინჯაოს ხანჯლისა. არქეოლოგ გ. ლომთათიძის ცნობით, მათი გავრცელების ქრონოლოგიური საზღვრები ზოგადად გარკვეულია სამარხების ინვენტარის საერთო შესწავლიდან ამავე პირის მიერ და განისაზღვრება XII—XIII ს. ფარგლებით (ჩე. წელთაღრიცხვამდე).

ქანდაკების თავის ორივე გვერდით გამოსახულია ორი შტანდარტი შუბის ფორმით. ამგვარი შტანდარტის გამოსახულება ცნობილია ბაბილონში ჰეფის სარკოფაგში ნაპოვნ ოქროს სამკაულზე (იხ. Jeremias, op. cit., Abb. 70, S. 78). რომელზედაც გამოსახულია ქალაქის ბქე ორ გოდოლთა შორის, რომელთა წინაშე გამოსახულია მთვარის ღვთაების ისეთივე შტანდარტი. როგორც მოცემულია ჩვენ რელიეფზე.

გამოსახულების ატრიბუტების შედარებითი შესწავლა არკვევს, რომ ჩვენი რელიეფი გამოსახავს მთვარის ღვთაებას, რომელსაც ძველად „ირმაზი“ ეწოდებოდა. ძეგლის სტილი, როგორც ზემოთ იყო დასაბუთებული, მჭიდროდ ენათესავება ბრინჯაოს ხანის მცირე პლასტიკის ძეგლებს. ძეგლის თავისებური პრიმიტიულობა ამტკიცებს იმ გარემოებას, რომ იგი ქრონოლოგიურად წინ უსწრებს დღემდე ცნობილ ბრინჯაოს მცირე ქანდაკებათა იმ ჯგუფს, რომელიც

მელიც ჯერ-ჯერობით ცნობილია ჩვენ არქეოლოგიურ ლიტერატურაში. ამჟამად დროს იგი გაცილებით უფრო ადრინდელ ხანას ეკუთვნის, ვიდრე ის გამოხატულება მთვარის ღვთაების, რომელიც ასე მხატვრულადაა აღწერილი ჩვენ უძველეს მატთანში. შეჯამება რეალების შესწავლისა არკვევს რელიგიის ქრონოლოგიურ საზღვრებს, იგი უნდა მივაკუთვნოთ XII—X ს. (ჩვენს წელთაღრიცხვამდე).

---